

## Yucatec - Dzíibolalo Quili'ich Dzíibo' - Lust Scriptures

Éxodo 15:9 Le aj p'eeco' tu tucultaj ca'ach beya': bín ca'aj in ch'a'apachto'ob tac quéen in chucpachto'ob, in ca'aj in t'ox le ba'ax tin lukesaj ti'obo' tac quéen utzac in wóol. Bín in jóokes in máascab, yéetel u muuk in kabe' bín in xu'ulso'ob.

Éxodo 18:21 Teech xane' yéey ichil le caaj máaco'ob nu'uca'ano'ob yaan sajacquilil Ku ti'ob, toj u tuuculo'ob yéetel u p'ectmajo'ob kaakas dzíibolal ayikalile', ca dzáa jujun túul ti'ob páajtalil yóokol mil máaco'ob, u láako'obe' yóokol cien, u láakobe' yóokol cincuenta, yéetel yóokol diez.

Éxodo 20:14 Ma' a beetic nup keban.

Éxodo 20:17 Ma' dzíiboltic a toquic u yotoch a láak, Ma' dzíiboltic a toquic u yatan, mix u palitzil, mix u x palitzil, mix u wacax, mix u burro, mix je'el ba'ax u ti'ale'.

Números 11:4 Ichil le j israelitaobo' u xa'akbesmajuba'ob jejeláas máaco'ob chéen janal cu tucultico'ob. Le j israelitaobo' tu cha'ajo'ob u jílta'alo'ob tumeno'ob ca j jo'op' u yokolo'ob táan u ya'alico'ob: ¡Quexi' wa yaan bak u ti'al c jaante'!

Deuteronomio 5:21 Ma' dzíiboltic a toquic u yatan a láak. Ma' a dzíiboltic a ti'alintic u yotoch a láak, mix u cool, mix u palitzil, mix u x palitzil, mix u wacax, mix u burro, mix je'el ba'axac u ti'ale'.

Deuteronomio 12:20 Le quéen dzo'ococ u cóochquinta'al a lu'ume'ex tumen Yuumtzil a Kuex je'el bix tu séeb chi'itajilaco', wa cu taactal a jaantique'ex bake', je'el u páajtal a jaantique'ex je'el ba'axac kiine'.

Deuteronomio 22:22 Wa cu chu'ucul jun túul máac chilicbal yéetel jun túul co'olel dzoca'an u beele', tu ca'a túulal bín xot kinta'ac j quíimil. Beyo' ca xu'ulsique'ex ba'ax kaas cu yantal Israelo'.

Josué 7:21 Ichil le ba'alo'ob t ch'a'aj jericoo', tin wilaj jun p'éel buclis nook beeta'an Babilonia, docientos sac taakino'ob yéetel jun cáach oro táancoch kilo aalil. Utzchajo'ob tin wiche', ca tin ch'a'ajo'ob, ca tin mucajo'ob tu yáanal in chuybil naj, le taakino' tin dzaj tu taamil.

Salmos (9B)10:3 Le j loolob máaco' cu nonojbáil tu yo'olal udzíibolalo'ob; le máax pooche' cu loolob t'aan yéetel cu cúulpachcuntic Yuumtzil.

Salmos 78:18 Tu túuntajo'ob u yóol Ku, táan u káatico'ob janal je'el bix tu tucultajo'obe'.

Salmos 78:30 Ba'ale' ma' máanac ca'ach u poochilo'obe', ti'anili' u janal tu chi'obe',

Salmos 81:12 Le o'olale' tin cha'a u bino'ob tu paach u saatal óolalo'ob, cuxlajo'ob túune' je'el bix utzchajic tu t'aano'obe'.

Salmos 106:14 Te x tocoy lu'umo'; tu dzajo'ob Ku ti' túuntajil, táan u káatico'ob ti' ca dzo'ocbesa'ac u dzíibolalo'ob.

Salmos 119:36 Beet ca u táanilcunt in pucsi'ikal a wa'almaj t'aano'ob, ma' le náajalo'ob kaas u caxta'alo'obo'.

Proverbios 1:19 Bey u dzo'ocol le kaakas aj dzíbolalo'obo'; cu quíimsa'alo'ob tumen u kaas dzíbolalo'ob.

Proverbios 6:25 Ma' u táabsquech u qui'ichpamil; ¡ma' a cha'ic u léechtiuech u paacat!

Proverbios 15:27 Le máax cu kubicubáa ti' kaakas dzíbolaje' cu yóotzilcuntic u yotoch, ba'ale' le máax ma' tu éejemtic u bo'olalil mac chi'e' cu cuxtal.

Proverbios 21:25,26 Dzíbolal quíimsic máakol, tumen u kab'oibe' ma' tu yóoltico'ob j meyaj; 26 bul kiin cu máansic táan u dzíbolaj. Ba'ale' aj ti'ibil beje' cu siibal x ma' dzu'util.

Proverbios 28:16 J méektáan, mina'an u tuucule' cu ya'abcuntic u yedzic wíinic; ba'ale' máax ma' j kaakas dzíbole' bín chowacchajac u cuxtal.

Isaías 56:11 Chéen beyo'ob peeko'ob wi'ijtaco'ob ma' tu na'ajtalo'obe', j canan j tamano'ob mina'an u na'ato'ob; tu jujun túulilo'ob cu beetico'ob ba'axo'ob utz u ti'alo'ob.

Isaías 57:17 Tu yo'olal u keban Israele' j kuuxchajen jun jeedzac, tin jadzaj, tin tzelajinbáa xan ti'; ba'ale' leti'e' tu beetaj u j ma' u'uyaj t'aanile' ca tu cha'aj u jílta'al tumen ba'axo'ob tu yóoltaj.

Jeremías 6:13 Tuláacal nucuch máac yéetel mejen paalal, chéen cu tucultico'ob u ayikaltalo'ob yéetel ma' utzil náajalo'obi'; aj bóobato'ob, aj kiino'ob, tuláacalo'ob j oocolo'ob.

Jeremías 22:17 Ba'ale' teche' ca tucultic a náajal chéen binqui' ba'alo'ob; ca quíimsic máax mina'an u si'ipil, ca yedzic xan a caajal.

Jeremías 51:13 Teech Babilonia, le yanech tu jáal nucuch áalcab ja'obo' yaan xan ti' teech ya'abcach ayikalilo'ob, ¡dzo'oc u kuchul u kiinil u xuul a cuxtal!

Ezequiel 6:9 Le máaxo'ob bín p'áataco'ob cuxa'ano'ob ti' le múuch' caajo'obo' bín u ka'ajseno'ob; bín ka'ajac ti'ob bix úuchic in beetic u mukyajo'ob tu yo'olal ma' tu kubajo'ob u yóolo'ob ti' teni', yéetel tumen tu cúulpachcuntajeno'ob u ti'al u kultico'ob u beetbil kuob. Leti'obe' bín taacchajac u xejo'ob tu yo'olal tuláacal le ba'axo'ob kaastaco'ob tu beetajo'obo', yéetel tu yo'olal u p'ecbe'en cuxtalo'ob.

Ezequiel 14:4,5 T'aanen tu yéetelo'obe' ca a wa'al ti'ob: Tuláacal j israelita ca u kububáa u kult beetbil kuob yéetel ca u dza'ob u yicho'ob ti' ba'axo'ob cu beetic u kebantalo'obe', cu dzo'ocole' cu taal j káat chi' ti' aj bóobate', bín in núuc u káat chi' je'el bix cu najmatic tu yo'olal u ya'abil u beetbil kuobe'. 5 Tene' bín in dzáalkabt u pucsi'ikal le j israelitaob tu náachcuntajuba'ob ti' teen tu yo'olal u beetbil kuobo'.

Ezequiel 22:12 Dze'edzec ti' a cajnáalilo'obe' cu cha'ico'ob u ma'analo'ob u ti'al u quíimso'ob u láak máaco'ob. Cu dzico'ob taakin u ti'al majanil tu yo'olal u bo'ota'al u tip'a'anil ti' leti'ob, cu beetico'ob loob yéetel cu yoclico'ob meyajo'ob u láaktzilo'ob, yéetel cu tu'ubsiqueno'ob. Teen Yuumtzil, teen a'alic.

Ezequiel 33:31 Beyo' in caajale' cu taal j cutal ta táan je'el bix suuquil u beetique',

u ti'al u yu'ub ba'ax bín a wa'ale. Ba'ale' ma'atech u dzo'ocbesico'ob. Cu babal a'alico'ob óoli' bey le kaayo'ob cu kayic máax cu yichtic jun túul x ch'úupale', ba'ale' u pucsi'ikalo'obe' ti' cu bin tu paach taakine'.

Oseas 4:12 In caajale' cu káat chi' ti' kuob beeta'ano'ob yéetel che'; jun cáach che'e' cu meyaj ti'ob u ti'al u na'ato'ob. In caajale' pa'an u muuk tumen le weeyanquilo' in caajale' cu xímbal ti' keechel bejo'ob; cu kebanchajal iquil u xúump'attic u Ku.

Oseas 5:4 Le ba'alo'ob kaastac cu beetic le caajo' ma' tu ch'a'ic u suut ti' u Ku. T'onquina'an tumen le weeyanquil, ma' tu kaj óoltic Yuumtzil.

Miqueas 2:2 Le quéen u dzíibolto'ob jun p'éel lu'ume' cu ch'a'ico'ob; le quéen u dzíibolto'ob najo'obe' cu yocoltico'ob. Cu yedzico'ob wíinico'ob, u yotochnáalo'ob bey xan u lu'umo'ob.

Nahúm 3:4 Tuláacal lelo', tu yo'olal u kasa'anilo'ob le x cáacbách cu qui'ichpamcunsicubáa u ti'al u lúubul utzil, ma'alob u yojel u beet u x wáayil, tumen tu yéetel u x cáacbáchil bey xan u pulya'ajo'obe' cu táabsic caajo'ob bey xan múuch' caajo'ob.

Habacuc 2:9 ¡Yaj a wanil tumen ta chupaj a wotoch yéetel ba'axo'ob a wocoltmaj u ti'al a jechic u chi' químil!

Mateo 5:28 Ba'ale' tene' quin wa'alic ti' te'exe' je'el máaxac cu pactic jun túul co'olel u ti'al u dzíibolte' dzo'oc u nupkebantal tu pucsi'ikal tu yéetel.

Marcos 4:19 ba'ale' cu sen tuclico'ob u ba'alilo'ob le yóokolcaaba', cu tu'usulo'ob tumen le ayikalilo', cu kuchulo'ob túun u dzíibolto'ob tuláacal jejeláas ba'alo'ob. Tuláacal lela' cu yocol tu pucsi'ikalo'ob u ti'al u pech'ic le ma'alob péectzilo', ma' tu cha'ic túun u dzáic u yich ichil le máaco'oba'.

Marcos 7:22 le oocolo'obo', u dzíibolta'al ba'ax u ti'al yaanal máaco', le loobilo'obo', le tuuso'obo', le kaakas cuxtalo', le u pochilta'al ba'alo'ob ma' unajo', le kaakas péectzilo'obo', le ca'anal ichilo', le x ma' na'atilo'.

Lucas 3:14 Bey xan dze'edzec soldado'ob tu káat chi'ito'ob ti': Cux to'on, ¿ba'ax unaj c beetic? Leti'e' tu núucaj ti'ob: Ma' a luksique'ex mixba'al ti' mix máac, mix tu yo'olal yaayaj t'aan mix yéetel tacpool tu yo'olal ba'ax ma' u beeti', yéetel qui'imacchajac a wóole'ex yéetel a bo'olale'ex.

Lucas 12:15 Tu ya'alaj xan: lle'ex, canantaba'ex ti' u dzíibolta'al ayikalil, tumen u cuxtal máaque' ma' tu taal ti' u ya'abil le ba'alo'ob yaan ti'o'.

Lucas 16:14 Le fariseobo', tumen jach utz tu yicho'ob taakine', le ca tu yu'ubajo'ob tuláacal le ba'alo'oba', jo'op' u p'a'astico'ob Jesús.

Juan 8:44 Te'exe' u ti'ale'ex kasilba'al, tumen leti' a taataex. Le o'olale' a káat a beete'ex le ba'ax u káat leti'o'. Kasilba'ale' jun túul quiimsaj wíinic tu yáax chuun, Mix jun téen u ch'a'a u muuk ti' le jaajo', yéetel mix bikin cu ya'alic u jaajil. Le quéen tuusnaque' cu t'aan je'el bix leti'e', tumen leti'e' jun túul j tuus yéetel u taata le tuuso'.

Hechos 20:33 Ma' in dzíiboltmaj u taakin mix u nook mix máaquí'.

Romanos 1:24-29 Le o'olale' Kue' tu xúump'attajo'ob ti' le kaakas dzíibolalo'ob yaan ti'obo', bey túuno' tu beetajo'ob tu baatzilo'obe' ba'alo'ob jach

subtziltaco'ob. 25 Tumen ma' tu yocsaj óolto'ob le jaaj ti' Ku u taalbalo' ba'ale' tu yocsaj óolto'ob le tuuso', bey xan tu nojbe'encunto'ob yéetel tu kultajo'ob le ba'alo'ob beeta'ano'ob tumen Kuo', ma' le máax beeto'obo', máax unaj u qui'iqui' t'anta'al tu yo'olal kiino'ob mina'an u xuul. Amén. 26 Le o'olale' Kue' tu xúump'attajo'ob ti' dzíibolalo'ob subtziltaco'ob; tumen tac le co'olelo'obo' dzo'oc u kexico'ob ba'ax ma'alob yéetel le wíinlilo' yéetel le ma' ma'alob u beeta'alo'. 27 Bey xan le xiibo'obo' dzo'oc u p'atico'ob u nupicuba'ob yéetel le co'olelo'obo' tumen chuupo'ob yéetel kaakas dzíibolalo'ob tu baatzilo'ob. Le xiibo'obo' cu beetico'ob tu baatzilo'ob ba'alo'ob subtziltaco'ob; le o'olale' cu kamico'ob tu wíinlilo'obe' u bo'olil u kebano'ob. 28 Tumen ma' u káato'ob u kaj óolto'ob Kui', leti'e' tu xúump'attajo'ob ti' u kaakas tuuculo'ob, u ti'al ca u beeto'ob ba'ax ma' unaji'. 29 Chuupo'ob yéetel jejeláas ma' ti'ibil ba'alo'obi'; kaakas cuxtalil, kasa'anil, dzíibol ayikalil yéetel loobil. Leti'obe' chuupo'ob xan yéetel dzíibol loobil, quiimsaj wíiniquil, ba'atelil, tuusil, kasa'anil yéetel bisaj tuusil.

Romanos 6:12 Le o'olale', ma' a cha'ique'ex u yantal u páajtalil le keban yóokol a wíinlile'ex cu quíimilo', u ti'al ma' a beetique'ex u dzíibolalo'ob le wíinlilo'.

Romanos 7:7 ¿Ba'ax túun bin c a'ale'? ¿Keban le a'almaj t'aano'? ¡Tu jaajile' ma'! ba'ale' quex beyo', tene' ma' táan in wojéeltic ba'ax ca'ach le kebano', wa ma' tu yo'olal le a'almaj t'aano'. Bey túuno' ma' tin in wojéelt ca'ach ba'ax u dzíibolal ba'al u ti'al yaanal máac, wa ma' u ya'alic le a'almaj t'aano': Ma' a dzíiboltic ba'al u ti'al yaanal máac.

Romanos 13:9 Le a'almaj t'aano' cu ya'alic: Ma' a nupkebantal, ma' a quiimsic wíinic, ma' a woocol, ma' a líiksic tuus tu yo'olal mix máac, ma' a dzíiboltic ba'ax u ti'al yaanal, ba'ale' lela' yéetel u láak a'almaj t'aano'obo' jun p'éelcunta'an ti' le t'aano'oba': Yaabilt a láak je'el bix a yaabilticabáa teche'.

Romanos 13:14 Ba'ax unaj a beetique'exe', búucbesaba'ex yéetel Yuumtzil Jesucristo bey je'el bix u nookil ba'atele', yéetel ma' a tucultique'ex a beetique'ex ba'ax cu dzíiboltic le wíinlila'.

1 Corintios 5:10,11 Ma' tin wóoltaj in wa'al ca a tzelaba'ex jun puli' ti' le yóokolcaabilo'ob nup kebano'obo', wa le dzíibol taakino'obo', wa le j oocolo'obo', wa le máaxo'ob cu kultico'ob beetbil kuo'obo', tumen wa beyo' kabéet a jóokole'ex ti' le yóokolcaaba'. 11 Ba'ax tin wóoltaj in wa'al te'exe' ma' u yantal mix ba'al a wile'ex yéetel le máax cu ya'alicubáa sucu'un, cu dzo'ocole' j nup keban, wa dzíibol taakin, wa cu kultic beetbil kuo'ob, wa cu ya'alic ba'al, wa cu cáaltal, wa cu yoocol. Ma' unaj mix a janale'ex yéetel le máax beyo'.

1 Corintios 6:9/10 ¿Ma' wa a wojele'ex le máaxo'ob cu beetico'ob kaaso' ma' bíin u ti'alto'ob u ajawil Kui'? Ma' a tuscaba'ex, tumen ma' bíin u ti'alto'ob u ajawil Ku le máaxo'ob cu kaakas cuxtalo'obo', mix le cu kultico'ob beetbil kuo'obo', mix le cu nup kebano'obo', mix le cu nup kebantcuba'ob yéetel u yéet xiibili'obo', mix le cu yoocolo'obo', mix le cu dzíiboltico'ob taakino', mix le cu cáaltalo'obo', mix le cu ya'lico'ob ba'alo', mix le cu tuuso'obo'.

- 1 Corintios 10:6 Tuláacal lela' j úuche' bey jun p'éel ca'ansaj c ti'ale', u ti'al ma' c dzíiboltic kaakas ba'alo'ob, je'el bix tu dzíiboltajo'ob leti'obe'.
- 1 Corintios 12:31 Dzíiboltex ca kame'ex ti' Ku u páajtalil a beetique'ex u asab ma'alobil ba'alo'ob. Ba'ale' tene' bin in ca'aj in we'es te'ex jun p'éel bej asab ma'alob.
- 1 Corintios 14:39 Bey túuno', in sucu'une'ex, il a wile'ex ca páatac a tze'ectique'ex u ma'alob péectzil Ku, yéetel ma' a wet'ique'ex u yúuchul t'aan ich jejeláas t'aano'ob;
- 2 Corintios 9:5 Tu yo'olal lela' tin tucultaj kabéet in kaj óoltic ti' le sucu'uno'oba' ca xi'ico'ob u xíimbalte'exo'ob táanil, yéetel ca u yáante'exo'ob u ti'al a chúucbesique'ex le siibalo'ob ta wa'alaje'ex a dzáique'exo'. Beyo' a siibale'exe' yaan u nu'ucta'al bey jun p'éel u chículal a yaacunaje'exe', ma' bey je'el bix jun p'éel ba'al táan c dzáic ti' te'exe'.

Gálatas 5:16-20 Ba'ax quin wa'alic te'exe' leti' lela': Cuxlene'ex je'el bix cu ya'alic le Quili'ich Pixano', beyo' ma' bín a beete'ex le kaakas dzíibolalo'ob yaan ti' te'exo'. 17 Tumen le kaakas dzíibolalo'obo' ti' yano'ob tu contra le Quili'ich Pixano' yéetel le Quili'ich Pixano' ti' yaan tu contra le kaakas dzíibolalo'obo'. Tumen cu ba'atelo'ob tu baatzilo'obe' ma' tu páajtal a beetique'ex le ba'alo'ob a káate'exe'. 18 Ba'ale' wa Quili'ich Pixan máax nu'uctic a beelete'exe' mina'ane'ex túun tu yáanal le a'almaj t'aano'. 19 Ma' talam u yila'al máacalmáac le ba'alo'ob cu beetico'ob le máaxo'ob cu bino'ob tu paach le kaakas dzíibolalo'obo'. 20 táan Cu meyajtico'ob beetbil kuo'ob yéetel cu beetico'ob pulya'ajilo'ob. Cu ch'a'ap'ectajo'ob, cu ba'atelo'ob yéetel cu kaakas tuuculo'ob. Séeba'an u p'u'ujulo'ob, cu beetico'ob tuláacal ba'al chéen u ti'al u yutzilo'ob, cu beetico'ob jatzlantáanbailo'ob bey xan u jejeláas u múuch'ul máaco'ob.

Gálatas 5:24 Le máaxo'ob u ti'alo'ob Cristo' dzo'oc u quiímsico'ob ti' u cruz u lu'umcabil wíiniquilo'ob pa'ate' yéetel ba'ax tu t'aano'ob bey xan u dzíibolalo'ob.

Efesios 2:1-3 Kue' tu dzaj u cuxtal ti' te'ex jun múuch' yéetel Cristo, quex quimene'ex ca'ach tu yo'olal le kasa'anilo'obo' yéetel le kebano'obo', 2 ichil tu'ux cuxa'ane'ex ca'acho', iquil a beetique'ex le ba'ax cu beetic le yóokolcaaba' yéetel a dzo'ocbesique'ex u yóolal kaasil ba'al máax cu meyaj ti' le máaxo'ob ma' tu yu'ubico'ob u t'aan Kuo'. 3 Tuláacalo'on bey cuxlico'on ca'ach ti' le kiino'ob dzo'oc u máano'obo', táan c bin ca'ach tu paach c dzíibolalo'ob yéetel táan c dzo'ocbesic ba'ax u káat c bakel yéetel c tuucul. Le o'olal c najmatic ca'ach u yaayaj jaadz Ku je'el bix u láako'obo'.

Efesios 4:19 Dzo'oc u mina'anta'al u sublactaquito'ob yéetel dzo'oc u kubicuba'ob ti' kaas u ti'al u beetico'ob yéetel qui'imac óolal tuláacal u jejeláasil kaakas ba'alo'ob.

Efesios 4:22-27 Wa c t'aan tu yóokol a úuchben cuxtale'exe', xúump'atte'ex le úuchben wíinic dzo'oc u kastalo', tusa'an tumen a kaakas dzíibolale'ex. 23 Te'exe' unaj a túumbencunsale'ex ti' a pixane'ex yéetel ti' a tuucule'ex, 24

yéetel a búuquinte'ex le túumben wíinico' beeta'an je'el bix u káat Kue' yéetel cu chíicbesa'al yéetel jun p'éel cuxtal tu jaajil toj yéetel Quili'ich. 25 Tu yo'olal lela' ma' a tuuse'ex; jujun túule' u ya'al ba'al jaaj ti' u yéet máaquil, tumen tuláacalo'on táacpaja'ano'on ti' jun p'élili' wíinclil. 26 Wa ca kuuxile'exe' ma' a kebantale'ex; yéetel ma' u p'áatal bul kiin kuuxe'ex. 27 Ma' a dzáique'ex tu'ux u meyaj kasilba'al.

Efesios 5:3,5 Tumen te'ex u ti'ale'ex Kue', ma' unaj mix u ya'ala'al ichile'ex le nup kebano', mix jun p'éel u láak ba'al kaas wa u dzíibolal u niccunsa'al taakin. 5 Tumen a wojele'ex wa yaan máax cu nup kebantal, wa cu beetic ba'alo'ob kaastac, wa cu dzíiboltic u niccuntic taakine' (lela' queet yéetel u kulta'al le beetbil kuo'obo'), ma' tu páajtal u táacpajal ti' le ajawil u ti'al Cristo yéetel u ti'al Kuo'.

Colosenses 3:5 Bey túuno', beete'ex u quíimil tuláacal le lu'umcabil ba'alo'ob yaan ti' te'exo': Mix máac ca nup kebanchajac, mix ca u beet ba'alo'ob kaastac, mix ca xi'ic tu paach kaakas tuuculo'ob yéetel u kaakas dzíibolalo'ob, mix ca u dzíibolt taakin, tumen lela' queet yéetel u kulta'al beetbil kuo'ob.

1 Tesalonicenses 2:5 Je'el bix a wojelile'exe', mix jun téen t qui' óol t'antaje'ex yéetel jadzutz t'aano'ob, mix t caxtaj ba'al c a'al te'ex u ti'al c náajaltic taakin. Kue' u yojel lela'.

1 Tesalonicenses 4:3-7 Ba'ax u káat Kue' ca cuxlaque'ex a kubmaj a wóole'ex ti' leti'; mix máac ca nup kebanchajac, 4 Tu jujun túule ca u can cuxtal yéetel u yatan ich quili'ichil bey xan ich tziquil, 5 ma' yéetel loolob pucsi'ikali' mix yéetel kaakas dzíibolalo'ob je'el bix u beetic le máaxo'ob ma' u kaj óolo'ob Kuo'. 6 Ti' lela' mix máac ca u beet ba'ax ma' unaji' mix ca u tus u sucu'un, tumen Yuumtzile' chich u jadzic máac tu yo'olal tuláacal lela', je'el bix dzo'oc c a'alic yéetel dzo'oc c kubentic te'exo'. 7 Tumen Kue' ma' tu t'ano'on u ti'al ca cuxlaco'on ich kaakas dzíibolalo'obi', ba'ale' u ti'al ca cuxlaco'on yéetel kub óolal ti'.

1 Timoteo 3:3,8 ma' unaj u cáaltali' mix u caxan ba'ateli', mix u yóoltic ca yanac taakin ti' chéen beyo'. Ba'ale' unaj u yantal utzil pucsi'ikal ti', jedzel u yóol yéetel ma' u dzaamaj u tuucul chéen ti' taakini'. 8 Bey xan le diacono'obo' unaj tziquilbe'en máaco'ob ma' unaj u p'áatal ma' u beetic'ob ba'ax cu ya'alico'obi', mix u cáaltalo'ob, mix u yóoltico'ob taakin ma' u náajaltmo'ob ma'alobi'.

1 Timoteo 6:9,10 Ba'ale' le máaxo'ob u káato'ob ayikaltalo', cu lúubulo'ob ti' le túuntaj óolalo' yéetel ti' u sat óolil ya'abcach chéen cunel dzíibolalo'ob cu lobiltico'ob máac yéetel cu bisico'ob máac ti' kascunajil yéetel ti' xu'ulsajil. 10 Tumen u yaacunaj le taokino' u mootz tuláacal u jejeláasil kaas; yaan dze'edzec máaque' tu yo'olal u dzíiboltico'obe', dzo'oc u tzeelicuba'ob ti' le ocsaj óolalo' yéetel dzo'oc u chupico'ob yéetel yaayaj óolal u cuxtalo'ob.

2 Timoteo 2:22 Púudzen túun ti' u kaakas dzíibolalo'ob le táanquelemilo' yéetel xeen tu paach jun p'éel toj cuxtal, yéetel ocsaj óolal, yaacunaj bey xan jéedzel óolal, jun múuch' yéetel tuláacal le máaxo'ob cu ch'a'a chi'itico'ob u kaaba' Yuumtzil yéetel tuláacal u pucsi'ikalo'obo'.

- 2 Timoteo 3:2,6 Máaco'obe' bín zu'utchajco'ob, bín u yaabilto'ob taakin, bín ca'analchajac u yicho'ob yéetel bín u nojba'alcunsuba'ob. Bín t'aanaco'ob tu contra Ku, ma' túun u yu'ubo'ob u t'aan u taataob, ma' túun u dza'ob nib óolal yéetel ma' túun u tziquilto'ob u ma'alob cuxtalil le ocsaj óolalo'. 6 Tumen ichilo'obe' yaan le máaxo'ob cu jupicuba'ob ti' le najo'obo' yéetel cu tusico'ob le co'olelo'ob luba'an u muuko'ob yéetel chuupo'ob yéetel kebano'. Lelo'oba', tumen táan u jílta'alo'ob tumen u jejeláasil kaakas dzíibolalo'obe',
- 2 Timoteo 4:3 Tumen ichilo'obe' yaan le máaxo'ob cu jupicuba'ob ti' le najo'obo' yéetel cu tusico'ob le co'olelo'ob luba'an u muuko'ob yéetel chuupo'ob yéetel kebano'. Lelo'oba', tumen táan u jílta'alo'ob tumen u jejeláasil kaakas dzíibolalo'obe',

Tito 2:12 Le u siibal utzil Kuo' cu ca'ansic to'on ca c p'at le kaaso' yéetel le lu'umcabil dzíibolalo'obo' yéetel ca c bis way yóokolcaabe' jun p'éel cuxtal ich ma'alob tuucul, tojil yéetel kub óolal ti' Ku.

Tito 3:3 Tumen to'on xan ca'ache' j ma' na'ato'on yéetel j ma' u'uyaj t'ano'on ti' Yuum Ku; saatal c máan ca'achi' yéetel palitzilo'on ca'ach ti' tuláacal u jejeláasil dzíibolalo'ob yéetel qui'imac óolalilo'ob yóokolcaab. Cuxa'ano'on ca'ach ichil kaas yéetel poochil; j p'ecbe'eno'on yéetel táan c p'ecticbáa t baatzil.

Hebreos 13:5 Ma' a yaabiltique'ex le taakino'; qui'imacchajac a wóole'ex yéetel le ba'ax yaan te'exo', tumen Kue' u ya'almaj: Mix bikin quin in p'atech mix quin in xúump'atech.

Santiago 1:14,15 Ba'ax cu yúuchule', le quéen táabsa'ac wa máax tu yo'olal u kaakas dzíibolalo'obe' leti' túun le quéen túunta'ac u yóol. 15 Ti' le kaakas dzíibolalo'oba' cu síijil le kebano'; ti' le kebano', le quéen chucha'anchajac u ch'íjile' cu síijil le químilo'.

Santiago 4:1-5 ¿Tu'ux u taal le quiimsajbáil yéetel le ba'atelilo'ob ichile'exo'? ¿Ma' wa ti' le kaakas dzíibolalo'ob cu ba'atelo'ob mantadz ichil a wíinclile'exo'? 2 Te'exe' a káate'ex wa ba'ax, ba'ale' tumen ma' tu páajtal u yantal te'exe' ca muukulmuke'ex yéetel ca ba'atele'ex. Ma' táan u páajtal u yantal te'ex ba'ax a káate'exe' tumen ma' táan a káatique'ex ti' Ku. 3 Wa ca káatique'exe' ma' táan a kamique'ex tumen ma' ta káatique'ex tu beel; tumen ca káatique'ex u ti'al a xu'uxupe'ex ti' a kaakas dzíibolale'ex. 4 ¡Nupkeban máaque'ex! ¿Ma' a wojele'exe' u bisicubáa máac yéetel u yóokolcaabe' cu beeticubáa u aj p'eec Ku? Je'el máaxac ca u dzáa u yóol u beeticubáa u amigo yóokolcaabe' cu sutcubáa u aj p'eec Ku. 5 Yaan ba'ax o'olal cu ya'alic le Quili'ich Dzíibo': Le Pixan tu beetaj Ku u cajtal ti' to'ono' u yaabiltmajo'on tu jaajil u yóol.

- 1 Pedro 1:14 Je'el bix paalalo'ob cu yu'ubico'ob t'aane' ma' a cuxtale'ex je'el bix u nu'uctic le dzíibolalo'ob yaan te'ex ca'ach ma'ilí' a kaj óolte'ex Kuo'.
- 1 Pedro 2:11 In yaabilaj sucu'une'ex, quin káat óoltic te'ex, je'el bix ti' táanxel lu'umilo'ob caja'ano'ob náach ti' u lu'umo'obe', ma' dzáique'ex cúuchil ti' le yóokolcaabil dzíibolalo'ob cu ba'atelo'ob tu contra le pixano'.
- 1 Pedro 4:2-4 u ti'al u cuxtal tuláacal u yalab u cuxtale' je'el bix u káat Kue' ma' u

ti'al u dzo'ocbesic u dzíibolal le lu'umcabil wíinclila'. 3 Dzo'oc u ya'abtal a beetique'ex ti' le kiino'ob dzo'oc u máano'obo' le ba'ax utz tu t'aan le máaxo'ob ma' u kaj óolo'ob Kuo'. Ti' le kiino'obo' te'exe' j cuxlaje'ex ti' x ma' subtal cuxtalil, ti' kaakas dzíibolalo'ob, ti' cáaltalilo'ob yéetel ti' patan janalilo'ob, táan u píitmáan a wukule'ex yéetel táan a kultique'ex p'ecbe'en beetbil Kuo'ob. 4 Leti'obe' jela'an u yilico'ob ma' táan a wéet xiimbale'ex tu yéetelo'ob ti' le kaakas cuxtalo', le o'olale' cu t'aano'ob kaas ta wéetele'ex.

- 2 Pedro 1:4 Tu yo'olal le ba'alo'oba' tu dzáa to'on u qui'ichquelem yéetel nojoch dzaa t'aano'ob, u ti'al ca páatac a táacpajale'ex tu yo'olalo'obe' ti' u cuxtal Ku yéetel a púudzule'ex ti' le kascunajil dzo'oc u taasico'ob way yóokolcaab le kaakas dzíibolalo'obo'.
- 2 Pedro 2:3 Tu yo'olal u dzíiboltico'ob ayikalile' yaan u jóoksico'ob te'ex taakin yéetel tuusil ca'ansajo'ob; ba'ale' mina'an tu'ux u jechico'ob le xu'ulsaj pa'atico'obo', tumen úuch xot kinta'aco'ob.
- 2 Pedro 2:9-19 Beyo' Yuumtzile' u yojel u toc ti' le mukyajo'obo' le máaxo'ob u kubmajo'ob u cuxtalo'ob ti' leti'o', yéetel cu dzáic le máaxo'ob kasa'ano'obo' tu yáanal jaadz u ti'al u kiinil le p'is óolo', 10 táanilbe'en le máaxo'ob cu bino'obo' tu paach le kaakas dzíibolalo'ob yéetel cu cùulpachcuntico'ob u páajtalil Yuumtzil. Chich u yóolo'ob yéetel co' u yóolo'ob, ma' sajaco'ob u poch'o'ob le nojbe'en páajtalilo'obo', 11 ca'aliquil le áangelo'obo', quex mas ya'ab u muuko'ob yéetel u páajtalilo'obe' ma' táan u kuchpajal u yóolo'ob u xot kinto'ob yéetel pooch'ilo'ob le nojbe'en páajtalilo'obo' tu táan Yuumtzil. 12 Ba'ale' le máaco'oba' beyo'ob le ba'alche'ob mina'an u na'ato'obo', cu síijilo'ob, chéen u ti'al ca chu'ucuco'ob yéetel u ti'al ca quiimsa'aco'ob. Cu t'aano'ob kaas tu yo'olal ba'alo'ob ma' táan u na'atico'ob; ba'ale' quíimico'ob je'el bix u químil le ba'alche'obo', 13 táan u mukyajo'ob tu yo'olal le ba'ax dzo'oc u beetico'ob u mukyaj u láako'obo'. Cu tucultico'ob qui' u yóolo'ob iquil u náaisic u yóolo'ob sáamsamal yéetel u qui'imac óolalil yóokolcaab. Leti'obe' jun p'éel sublaquil yéetel jun p'éel wo'och'táanbail ca'aliquil cu láakintique'exo'ob ti' a kiinbesaje'ex, táan u náaisic u yóolo'ob yéetel u tuusil qui'imac óolalo'ob. 14 Ma' tu páajtal u yilico'ob jun túul co'olel wa ma' yaan u dzíiboltico'ob; ma' tu ca'analoo'ob kebanchajal. Cu tu'ubsico'ob le máaxo'ob ma' jedza'an u tuuculo'obo', jach canbalnaja'ano'ob ti' le dzuulilo'; máaco'ob kaakas t'anta'ano'ob. 15 Saatal u máano'ob tumen dzo'oc u tzelicuba'ob ti' le toj bejo'. Táan u queticuba'ob yéetel profeta Balaam u paal Beor, máax tu yaabiltaj u náajaltic taakin iquil u beetic le kaaso', 16 ba'ale' j ke'ey tu yo'olal u kebane' tumen jun túul x toot burra j t'aanaj je'el bix u t'aan máaque' yéetel ma' tu cha'aj ti'o' ca xi'ic tu paach u chocojo'olali'. 17 Le máaco'oba' beyo'ob ch'e'eno'ob tu'ux mina'an ja'e', beyo'ob xan múuyalo'ob cu bisa'alo'ob tumen ka'amcach iike' xot kinta'ano'ob u ti'al u máanso'ob le kiino'ob mina'an u xuulo' ichil sen éekjoche'enil. 18 Tumen yéetel ca'anal ichile' cu ya'alico'ob t'aano'ob mix ba'al u biilalo'ob, bey xan yéetel le ba'alo'ob kaastac suuc u beeta'alo'ob yéetel kaakas dzíibolal máaco'obe' cu tábabsico'ob le máaxo'ob tu jaajil dzo'oc

u púudzulo'ob ca'ach ti' le máaxo'ob cuxa'ano'ob ich tuuso'. 19 Cu dzaa t'antico'ob jun p'éel jáalkab cuxtal ba'ale' leti'obe' palitzilo'ob ti' jun p'éel kaakas cuxtal. Tumen jun túul máaque' palitzil ti' le ba'ax dza'ancha'atico'.

2 Pedro 3:3 Ojéelte'ex táanil lela': Ti' le u dzo'oc kiino'obo' bín taalac p'a'as máaco'ob, táan u cuxtalo'ob je'el bix u káat u kaakas dzíibolalo'obe',

1 Juan 2:15-17 Ma' a yaabiltique'ex yóokolcaab, mix le ba'alo'ob yaan yóokolcaabo'. Wa yáam máax cu yaabiltic yóokolcaabe', ma' u yaabiltmaj Ku le Taatao'; 16 tumen mix ba'al ti' le ba'axo'ob cu ya'alic u dzáic yóokolcaabo' ti' Ku le taata u taalo', ba'ale' ti' yóokolcaab u taal. U kaakas dzíibolalo'ob le lu'umcabil wíinlilo', u kaakas dzíibolalil le icho', yéetel u ca'anal ichil cu yantal tu yo'olal u ba'alilo'ob le cuxtalo', tuláacal lela' leti' le ba'axo'ob cu ya'alic yóokolcaab u dzáico'. 17 Le yóokolcaabo' táan u bin u xu'ulul yéetel tuláacal le kaakas dzíibolalo'ob yaan tu yóokolo'; ba'ale' le máax cu beetic ba'ax u káat Kue' cu p'áatal u ti'al kiino'ob mina'an u xuul.

Judas 1:11 ¡Óotzilo'ob! Tumen dzo'oc u bino'ob tu paach ba'ax tu beetaj Caín. Tu yo'olal u náajaltico'ob taakine' dzo'oc u sa'atalo'ob je'el bix Balaam, yéetel cu xu'ulsa'alo'ob je'el bix Coré, máax quíim tu yo'olal u j ma' u'uyaj t'aanil.

Judas 1:15-19 u ti'al u p'is óolt tuláacal máac yéetel u ti'al u xot kint tuláacal le máaxo'ob kasa'ano'obo' tu yo'olal tuláacal le kaas u beettmajo'ob ichil u kasa'anilo'obo', yéetel tu yo'olal tuláacal le chichich t'aano'ob dzo'oc u ya'ala'al tu contra tumen le kaakas j kebano'obo'. 16 Leti'obe' cu tutucchi'ob yéetel cu ya'alicob ba'al, táan u caxtico'ob u dzo'ocbesico'ob chéen u dzíibolalo'ob. Cu ya'alicob t'aano'ob ich ca'anal ichil, yéetel u ti'al u jóokesico'ob wa ba'ax utzil u ti'alo'ob. Tzol xiquino'ob ti' le j ocsaj óolo'obo' 17 Ba'ale' te'exe', in yaabilaj sucu'une'ex, ka'ajac te'exe' u apóstolo'ob c Yuumtzil Jesucristoe' j t'aanajo'ob tu yo'olal le ba'alo'oba' 18 le ca tu ya'alajo'ob te'ex: Ti' le u dzo'oc kiino'obo' yaan u yantal máaco'ob bín u p'a'asto'ob le quili'ich ba'alo'obo' yéetel bín cuxlaco'ob je'el bix u káat u kaakas dzíibolalo'obe'. 19 Lelo'oba' leti'ob máaxo'ob cu beeticob u yantal jatzlantáambailo'ob; cu beeticob u cuentail u lu'umcabil dzíibolalo'obe' yéetel mina'an le Quili'ich Pixan ti'obo'.

Apocalipsis 18:14 Yaan u ya'alicob ti' le caajo': Bejela'e' mina'an teechn le u qui'iqui' icho'ob le che'ob ca dzíiboltic ca'ache'; dzo'oc a satic u ti'al mix bikin tuláacal le ayikalilo'ob yéetel le jadzutz ba'alo'ob yaan teechn ca'ache'.